

## **Agape Buku na Nzambe - God's Love Letter Scriptures**

**Yoane 15:9 Nalingi bino lokola Tata alingi ngai. Bofanda kati na bolingo na ngai.**

**Isaya 43:1 Israele, ekolo ya Yakobo, sik'oyo Nkolo oyo asalaki yo mpe abongisaki yo, alobi boye: "Kobanga te, mpamba te nalongoli yo na boumbu, nabengi yo na nkombo na yo okumi ekolo na ngai.**

**Yeremia 1:5 "Liboso ete nasala yo na libumu ya mama na yo, nayebaki yo; liboso ete obotama, naponaki yo osalelaka ngai, mpe ozala nebi na ngai na kati ya bikolo."**

**Yoane 15:16 Bino boponaki ngai te, kasi ngai nde naponaki bino, natindaki bino kokende kobota mbuma, mpe ezali mbuma oyo ekoumela. Boye, Tata akopesa bino makambo nyoso bokosenga epai na ye na nkombo na ngai.**

**3 Yoane 1:2 Ndeko na bolingo, nazali kobondela ete makambo na yo etambola malamu, ete ozala na bokasi na nzoto lokola ozali na bokasi na molimo.**

**Isaya 43:4 Ya solo ozali na litomba na miso na ngai, natiaka motema epai na yo mpe nalingaka yo. Yango wana napesi batu na esika na yo mpe bikolo mpo na bomoi na yo.**

**Yeremia 31:3 Uta mosika Nkolo abimelaki ngai: Nalingaki yo na bolingo ya seko, yango wana nati bolamu na ngai mpo na yo.**

**Osea 11:8 Nzokande, ndenge nini nakoki kobwaka yo Efraima? Ndenge nini nakoki kotika yo Israele? Nakoki te kosala yo ndenge nasalaki bavile ya Adema mpe ya Zeboima. Nazali koyoka motema mpasi, mpe mawa ekangi ngai.**

**Yoane 3:16 Mpo ete Nzambe alingaki mokili mingi, boye ye apesaki mwana na ye moko, boye motu na motu na kondima ye akokufa te, kasi akozala na bomoi na seko.**

**Isaya 49:15,16 "Mwasi abosanaka mwana oyo ye amelisaka mabele? Ayokaka mawa te mpo na mwana oyo ye aboti? Ata soki mwasi akoki kobosana mwana na ye, kasi ngai nakoki kobosana yo te. 16 "Tala, nakomi nkombo na yo likolo na loboko na ngai, natiaka miso ntango nyoso na bamir na yo.**

**Isaya 41:13 Mpamba te nazali Nkolo Nzambe na yo, oyo azali kopesa yo nguya. Nalobi lisusu: Kobanga te, nayeui kosalisa yo.**

**Matayo 28:20 mpe bolakisa bango na kotosa mibeko nyoso oyo nalakisaki bino. Mpe boyeba oyo: nakoza elongo na bino mikolo nyoso kino nsuka**

**na mokili."**

**Yoane 14:1 Yesu alobaki na bango: "Botika mitema na bino na komitungisa te. Bondima Nzambe mpe bondima ngai lokola.**

**Isaya 41:14 "Israele, ekolo ya Yakobo, kobanga te, ata lokola bazali kosakana na yo lokola nyama moke, ata lokola bazali konyata yo lokola nyama moke. Ngai moko nayei kosalisa yo, Nkolo alobi boye. Ngai Mosantu ya Israele nayei kolongola yo na boumbu.**

**Isaya 43:2 Ntango okoleka bamai, nakozala elongo na yo; ntango okokatisa bibale okojinda te. Ntango okoleka na kati ya moto, okozika te, moto ekozwa yo ata moke te.**

**Njembo 23:1-6 Loyembo ya Davidi. Nkolo azali mobateli na ngai, nakozanga eloko moko te. 2 Apemisaka ngai na kati ya matiti ya mobesu. Akambaka ngai penepene na mai ya kimia. 3 Apesaka ngai nguya, Atambwisaka ngai na banzela ya malamu, mpo na nkombo na ye. 4 Ata nazali kotambola na libulu na molili ya kufa, nakoki kobanga eloko moko te. Mpamba te yo ozali elongo na ngai; nzete na yo mpe lingenda na yo ezali kosalisa ngai. 5 Otandelaka ngai mesa na miso ya banguna na ngai. Opakoli mutu na ngai na mafuta, mpe kopo na ngai etondi mpenza. 6 Solo bolamu mpe ngolu ekolanda ngai ntango nyoso na bomoi na ngai, mpe nakofanda na ndako ya Nkolo mpo na seko.**

**Yoane 14:27 "Natikeli bino kimia, ezali kimia na ngai nde napesi na bino. Napesi yango na bino te lokola mokili epesaka. Botungisa mitema na bino te mpe bobanga te.**

**Bafilipoi 4:7 Mpe kimia na Nzambe, oyo eleki makambo nyoso oyo batu bakoki koyeba, ekokengela mitema na bino mpe milimo na bino kati na Yesu Kristo.**

**Maloba Mayele 3:24 Soki olali, okobanga te mpe okozwa mpongi ya kitoko.**

**Njembo 4:9 Nalalaka na kimia, mpongi eyeelaka ngai noki; mpamba te yo moko, Nkolo, obatelaka ngai.**

**Njembo 33:18 Kasi Nkolo atalaka batu oyo batosaka ye; na baoyo bazali na elikia na bolamu na ye.**

**Baroma 5:2 Mpo na Yesu, mpe mpo na kondima, tokokaki kozwa nzela na koya penepene na nkembo na Nzambe, oyo tozali kotelema sik'oyo kati yango, mpe likambo na kosepelisa biso ezali elikia na kozwa nkembo na Nzambe.**

**Isaya 55:12 Bokobima na Babelona na esengo, mpe bokozonga epai na bino na kimia. Ntango bokozala koleka, bangomba ya minene na ya mike ekozala konganga na esengo, mpe banzete nyoso ya zamba ekozala kobeta maboko.**

**Yoane 16:22 Bobele boye, bino mpe bozali na mawa sik'oyo, kasi nakomona**

**Iisusu bino, mpe motema na bino ekosepela mpe motu moko te akolongola esengo na bino.**

**Luka 12:9 Kasi motu na koloba polele ete ye ayebi ngai te, ngai Mwana ya Motu mpe nakoloba liboso na baanzelu na Nzambe ete nayebi motu yango te.**

**Matayo 10:30 Kasi mpo na bino, bobele nasili kotanga nsuki nyoso na bino.**

**Isaya 54:10 Ata soki bangomba nyoso ekumi koningana, ata soki bangomba ya mike elongwi na bisika na yango, bolingo oyo nazali na yango epai na yo ekolongwa te; kimia oyo nalakelaki yo ekobeba te. Nkolo oyo ayokelaka yo mawa alobi boye."**

**Matayo 11:28 "Boya epai na ngai bino nyoso oyo bosili kolemba na komema mikumba, mpe nakopesa na bino kopema.**

**Loyembo Salomo 2:10 azali koloba na ngai: "Yaka, moninga na ngai ya motema, mwasi na ngai ya kitoko.**

**Osea 2:16 Boye, tala, nakobenda ye mpe nakokamba ye na esobe, nakosolola na motema na ye.**

**Osea 2:21,22 Nakobala yo mpo na libela. Nakobalana na yo na bolamu mpe na bosembo, na bolingo mpe na boboto. 22 Ya solo, nakozala mobali na yo mpo na sembo mpe okoyeba Nkolo.**

**Kobima 3:14 Bongo Nzambe alobaki na Moize: "NAZALI OYO NAZALI." Loba na batu ya Israele boye: "NAZALI atindaki ngai epai na bino."**

**Osea 13:4 "Israele, banda obimaki na Ezipeto, ngai nazali Nkolo Nzambe na yo. Oyebi Nzambe mosusu te, bobele ngai; Mobikisi mosusu azali te, bobele ngai.**

**Yoane 15:14 Bozali baninga na ngai soki bosali likambo nalobi na bino.**

**Emoniseli 3:20 Yoka, nazali kotelema na ekuke na ndako mpe nazali kobeta yango. Soki motu ayoki mongongo na ngai, mpe afungoli ekuke na ndako, nakokota epai na ye, nakolia elongo na ye mpe ye akolia elongo na ngai.**

**Pastor T. John Franklin  
Church of Salvation, Healing, and Deliverance  
COS-HAD.org**